




REPUBLICA E KOSOVËS REPUBLIKA KOSOVA REPUBLIC OF KOSOVO			
KOMUNA MITROVICA E VERIUT / OPSTINA SEVERNA MITROVICA			
MITROVICA NORTH MUNICIPALITY			
Njesia Org. Org. Jedin. Org. Unit	07	Nr. Prot. Br. Prot. Prot. No.	07-030/01-0000590/25
Nr. i faqeve Br. stranica No. pages	13	Data Datum Date	16.01.2025



Republika e Kosovës
Republika Kosova – Republic of Kosovo
Komuna e Mitrovicës Veriore
Opština Mitrovica Sever – Municipality of Mitrovica North

Data:14/01/2025

Mitrovicë Veriore

RAPORT VJETOR
2024

Arta Azemi-Ahmeti
Drejtoreshë për Kulturë, Rinë dhe Sport



Drejtoria për Kulturë, Rini dhe Sport- Komuna e Mitrovicës Veriore
Raporti Vjetor 2024

Ky raport vjetor përmbledh aktivitetet dhe arritjet e Drejtorisë për Kulturë, Rini dhe Sport gjatë vitit 2024 duke theksuar zhvillimet kryesore dhe përpjekjet tona për përmirësimin e kushteve dhe mundësive për kulturë, rini dhe sport në nivelin lokal. Jeta kulturore/sportive në këtë pjesë të qytetit është e mangët për shkak të mungesës së infrastrukturës sportive/kulturore, objektivi ynë gjatë kësaj periudhe ka qenë krijimi i mundësive dhe infrastrukturës për zhvillimin e aktiviteteve kulturore, rinore dhe sportive për të gjithë grupet e shoqërisë.

AKTIVITETET KULTURORE/SPORTIVE

Gjatë vitit 2024 Drejtoria për Kulturë, Rini dhe Sport ka mbështetur eventin e organizuar me rastin e ditëlindjes së poetit dhe artistit Kadri Kadriu, event ky i cili është mbajtur në Korrik/2024.

Muajin gusht/2024, kemi marrë pjesë në Edicionin e 14 të Green Festivalit në Mitrovicë, festival ky i cili synon të angazhojë të rinjtë dhe të inkurajojë pjesëmarrjen e tyre në çështjet e mbrojtjes së ambientit.

Gjithashtu, gjatë kësaj periudhë morrëm pjesë në Festivalin “Mitrovica Guitar Days” ku performuan artist të njohur botëror.

Në dhjetor/2024 në Galerinë “ Kadri Kadriu” u mbajt koncerti dedikuar promovimit të trashëgimisë sonë të pasur kulturore përmes muzikës të bukur shqipe. Ky event u organizua nga organizata joqeveritare “Kosovaars” dhe u mbështet edhe nga drejtoria jonë.

Me kërkesën e prindit Veton Vidishi , kërkesë kjo e cila kërkoi mbështetje financiare për dy (2) fëmijët e tij, sportist në sportin e tenisit, drejtoria për Kulturë, Rini dhe Sport ndau 2000.00 Euro.

Pas punimit dhe dorëzimi të projektit tonë “Fushë Basketboli” në lagjën tre (3) Rrokaqiejt. Meridian Express ka bërë një donacion në vlerë prej 1000.00 Euro. Fusha u përfundua sipas afatit të parashikuar në projekt dhe u përfundua në tetor të vitit 2024.

Së bashku me inspektorët, ekipën e Departamentit për Kulturë, Rini dhe Sport kemi identifikuar fushën sportive aktuale (tek MTS) dhe problematikat rreth saj. Nevoja për ristrukturimin e saj ishte e pashmangshme. Infrastruktura e saj është e vjeturuar, me mungesë ndriqimi dhe ulëseve në hapsirat e parashikuara për to. Punuam dhe dorëzuam projektin “Fitarena” tek banka Procredit, atyre u pëlqeu idea, aprovuan projektin tonë dhe në mars të 2025-tës pritet të fillohen punimet.

Pas një vizite që gjatë këtij viti bëmë në shkollat e veriut, ndër të tjera, kishte mungesë të topave për sportet që zhvillohen në kuadër të lëndës edukatë fizike, bëmë një kërkesë të cilën e dorëzuam në Interex, kërkesa u aprovua dhe me rastin e fillimit të vitit të ri shkollor 2024/2025, shkollat u paisën me topa për basketboll, futboll dhe volejball.

Në kuadër të fushatës ndërgjegjësuere për parandalimin e trafikimit me njerëz, Drejtoria për Kulturë, Rini dhe Sport, në bashkëpunim me drejtorët dhe mësimdhënësit e shkollave fillore, organizoi një aktivitet edukativ për nxënësit. Ky aktivitet kishte për qëllim informimin e fëmijëve mbi rreziqet dhe mënyrat e mbrojtjes nga ky fenomen i dëmshëm. U punua dhe u dorëzua në MAPL raporti i vijueshmërisë së pjesëmarrësve në këtë ligjëratë.

Pasi që pranuan ftesën nga organizata jo qeveritare "Let's Do It Kosova", Drejtoria për Kulturë, Rini dhe Sport organizoi aktivitetin për të bërë pastrimin e zonave të lëna pas dore, për të shënuar 20 Shtatorin, Ditën Botërore të Pastrimit. Në këtë iniciativë i pranishëm ishte edhe Krytari Atiq.

Në muajin korrik/2024, së bashku me krytarin morrëmpjesë në kryerjen e homazhit në nderim të të jetës dhe veprës së Ismail Kadare në Tiranë.

Verë në Dimër, aktivitet ky i cili u organizua për herë të parë në Komunën Verioresë bashku me shefin e kabinetit, ftuam në takim Asim Azemin, diskutuam se çfarë mund të bëjmë bashk për nder të festave të fundvitit, u dakorduam që të vendosim 4 shtëpiza dhe të organizojmë (gjatë ditës) aktivitete me performanca muzikore. Ne si komunë kemi mbështetur financiarisht dhe kemi qenë bashkëpjesëmarrës në shumicën e aktiviteteve që u mbajtën javët e fundit të 2024-tës.

Është bërë kërkesa për dhënjën e dhuratave për rastin e Vitit të Ri, është dorëzuar dhe 200 dhurata janë dhënë nga ETC dhe 100 nga Komuna jonë dhe kemi bërë shpërndarjen e tyre në shkollat e veriut.

TAKIMET GJATË VITIT 2024

Drejtoria për Kulturë, Rini dhe Sport gjatë gjashtë muajve të parë të vitit 2024 është angazhuar maksimalisht në realizimin e detyrave të cilat janë të ngarkuara për këta sektor. Pas pranimit të detyrës, gjatë kësaj periudhe (me kërkesën e kryetarit) identifikuam dhe organizuam takime me disa organizata joqeveritare në Mitrovicë dhe Prishtinë.

Ndër takimet e para, ishte takimi me Znj. Drita Kadriu- Drejtore për Arsim. Bashkë me kryetarin Z. Erden Atiq, kërkua nga Drejtorja të dhënat e përditësuara për numrin e nxënësve të Veriut e që vijnë në mësimet në Jug. Pas takimit, Drejtoria e Arsimit në Komunën e Jugut dërguan listat dhe jemi duke u angazhuar për projektet e planifikuara me shkollat e Veriut.

Ndër prioritetet tona këtë vit ishte ishte (dhe vazhdon të mbetet akoma) identifikimi i Organizatave joqeveritare në Komunën Veriore dhe shikimi i mundësive për bashkëpunim. Në mënyrë formale (në disa raste edhe joformale) u takuam me disa prej tyre. Ndër organizatat që takuam : organizata joqeveritare "Inspiracija" udhëhequr nga znj. Ljilijana Drazević, organizata DOMOVIK përfaqësuar nga z.Nenad Radivojevic, organizata ACTIVE me përfaqësues z.Miodrag Milicevic si dhe një takim patëm edhe drejtorën e AQUARIUS znj. Miliana Bullatovic. Të gjitha nga organizatat e lartpërmendura u falënderuan për interesimin që patëm për t'i takuar dhe u shprehën të gatshme për bashkëpunim gjatë vitit 2025.

Ndër planifikimet tona për këtë periudhë ishte edhe skanimi i tereneve (fushave sportive qofshin ato në lagje apo shkolla, hapsirave të ndryshme publike) të cilat kanë nevojë për ristrukturim. Bashkë me stafin vizituam shkollat fillore të Komunës Veriore, identifikua problemet dhe nevojat e tyre. Bëmë foto në fusha të vogla sportive të cilat ishin duke u shfrytëzuar për parking dhe shikuam mundësitë e rivitalizimit të tyre.

Në zyrën e Kryetarit pritëm Znj.Fitore Pacolli dhe diskutuam në lidhje me Politikën e Gjelbra, ndërmmarrjen e iniciativave mjedisore për të rritur mirëqenien e qytetarëve.

Takim tjetër i rëndësishëm ishte edhe takimi me Sekretarin e Përgjithshëm të MKRS-së Z.Xheladin Krasniqi dhe Z.Mujë Igrishta- Bashkëpunor profesional Arkeologji-Histori. Qëllimi i takimit ishte diskutimi në lidhje me Shtëpinë Muze. Përfaqësuesit na udhëzuan të skenojmë edhe njëherë gjendjen, të mbledhim dokumentet e nevojshme të cilat na rekomanduan dhe të vazhdojmë procedurat për futjen e Shtëpisë Muze në listën e Trashëgimisë Kulturore. Intervenimi tek Përmendorja, Palestra Sportive dhe Kulla e Kadri Kadriut ishte gjithashtu pjesë e bisedave tona. Pas kompletimit dhe dorëzimit të dokumentacionit (sa i përket çështjes së Shtëpisë Muze), faza e parë ka kaluar.

Një tjetër takim ishte edhe takimi me Ipko Foundation, përfaqësuese Znj.Vlora Shabiu. Së bashku me Vlorën biseduam rreth një projekti që ata janë duke e implementuar në disa komuna "Empower Her", dhe shprehën interesim të bashkëpunojnë edhe me komunën tonë. Kërkesa e tyre ishte që ne si komunë të bëjmë zgjidhje për transport të vajzave të cilat janë të interesuara për ndjekjen e trajnimit.

Këtë periudhë vizituam edhe kompani private, banka dhe organizata të tjera jo qeveritare, ndër to: Meridian Express, Interex, Pro Credit Bank, NLB. Pranë tyre shpalosëm planet tona, pranuar këshilla se çfarë mund të bëjmë bashk, si mund të na mbështesin dhe të realizojmë projektet tona. Nga këto kompani, Interex, Pro Credit Bank, dhe Meridian shprehën gatishmëri për t'u përgjigjur karshi kërkesave tona.

Bashk me kryetarin Z.Erden Atiq, pritëm në zyrat tona Z.Muhedin Nushi- Këshilltar i Lart- Këshilltar i Lartë Politik, Merita Fejza- Mësimdhënëse në Shkollën "Nonda Bulka", Qefsere Mripa- Mësimdhënëse në Shkollën "Nonda Bulka", dhe Lumturie Beqiri- përfaqësuese nga Këshilli i Prindërve. Në takim diskutuam mbi ndërtimin e një shkolle në Komunën Veriore. Përfaqësuesi i Ministrisë së Arsimit u shpreh i gatshëm për investim duke na theksuar se mjete janë të ndara. Javën e parë të Tetorit do të mbajmë edhe takimin e dytë për të diskutuar më detajisht.

U takuam po ashtu edhe me znj.Afërdita Sylja, udhëheqëse e CBM, diskutuam për mundësitë se çfarë aktivitete mund të bëjmë bashk.

Në Organizatën REC u takuam me z.Uka, na priti në zyrat e tij, u shpreh mirënjohës për organizimin e takimit dhe (i është përgjigjur kërkesës tonë për dërgimin e listës së organizatave joqeveritare të cilat operojnë në jug e veri).

Në vazhden e takimeve është edhe ai me Shoqatën e Kosovës për Tekstil, përkatësisht Drejtorën Ekzekutive Znj.Merita Sylja me të cilën diskutuam për bashkëpunime mes organizatave në Veri dhe Shoqatës së Tekstilit në vitin 2025.

FES- Friedrich Ebert, CBM, REC- Reconciliation Empowering Communities, Yonus Emre janë organizata që kemi takuar gjatë kësaj kohe për t'u njohur dhe të shikojmë çfarë mund të bëjmë bashk.

Ndër takime të tjera, vlen të theksohet takimi me Kforin Turk. Pesë (5) përfaqësues të tyre pritëm në zyrat tona. Kohë më parë dorëzuan edhe tek ta disa projekte të cilat i diskuam gjërësisht zyret tona. Projekti që u bëri përshypje më shumë ishte ristrukturimi i fushës tek MTS. Ata dorëzuan në Ankara projektin që u bëri përshtypje më shumë, na lajmëruan se është aprovuar, nuk vazhduam procedurat meqenëse ProCredit Bank veç se na kishte dhënë përgjigje pozitive për këtë fushë.

Takim tjetër me rëndësi është edhe ai me organizatën qeveritare TIKA përkatësisht me Z.Blerim Karabaxhaku. Në takim diskutuam për mundësitë e bashkëpunimit, para TIKA-së shpalosëm projektet tona. Ata u shprehën të gatshëm për mbajtjen edhe të një takimi tjetër, na udhëzuan për procesin e aplikimit për projekte.

Në zyrat tona pritëm edhe artistin Mehmet Preteni i cili kërkoi mbështetje për një projekt teatror të titulluar "Waiting for Train", meqenëse ishte pothuajse fundi i vitit nuk patëm mundësi për mbështetje në këtë projekt, biseduam dhe ramë dakord që të punojmë bashk një projekt (shfaqje teatrale për fëmijë) gjatë vitit 2025.

Në muajin dhjetor/2024 u nënshkrua marrëveshja (për mbështetjen e ristrukturimit të fushës tek MTS) me Bankën Procredit, njëherit u mbajt edhe sesion informues nga Banka në lidhje me ofertat e fundit që ata ofrojnë.

Konataktuam dhe u dakorduam për takim me Organizatën Joqeveritare Swiss Contact, pritëm në zyret tona znj.Teuta Hoxha dhe z.Lulzim Krasniqi, diskutuam për mundësitë e bashkëpunimit, para nesh Swiss Contact shpalosi projektet e tyre dhe na rekomanduan (nëse si komunë jemi të gatshëm) që bashkarisht të ndërmarrim hapat e parë për të punuar në lidhje me krijimin e strategjisë së turizmit.

Këtë vit po ashtu edhe përfaqësues nga Kryqi i Kuq shprehen interesim për takim, bashk me kryetarin takuam në zyret tona dhe i njoftuam për së afërmi rreth çështjeve që ata shprehën interes (edukimin, ekonominë, mënyrën e jetë së njerëzve në veri, komunën, sfidat dhe planet).

Takim tjetër i rëndësishëm brenda kësaj periudhe një vjeçare ishte edhe ai me znj. Ejona Icka- Drejtore Ekzekutive në Organizatën Ndërkombëtare Joqeveritare YSP BALKAN(Youth and Students For Peace). Bashk diskutuam rreth fuqizimit të rinisë në të gjitha komunitetet dhe forcimin e bashkëpunimit për të nxitur unitetin dhe përparimin.

Takim tjetër patëm edhe me përfaqësuesit e organizatës joqeveritare CDF z.Oltion Beshiri dhe znj.Valëza Zogiani. Diskutuam për bashkëpunim në lidhje me realizimin e një aktiviteti të planifikuar me ndërmarrësit nga rajoni, drejtorja jonë punuam në përpilimin e listës së një grupi ndërmarrësve (afro 25 biznese) dhe dërguam tek CDF.

Bashkë me kryetarin z.Atiç, pritëm në zyret tona përfaqësuesit nga Fondi i Kosovës për Efiqencë të Energjisë. Bashkë diskutuam për bashkëpunimet e mundshme, na njoftuan detaisht për punën që e kanë bërë dhe po bëjnë me komunat tjera dhe na udhëzuan për hapat që duhet të marrim për fillimin e mbledhjes të dhënave të nevojshme për të filluar bashkëpunimin.

Është themeluar Instituti për Krimeve të Kryera gjatë Luftës në Kosovë. Së bashku me kryetarin pritëm në zyret tona z.Atdhe Hetemi-Drejtor Ekzekutiv në këtë Institut, kërkesa e tij ishte mbledhja e të

dhënave (informatave, fakteve) të krimeve të luftës. U nënshkrua edhe marrëveshja e bashkëpunimit mes Komunës dhe Institutit (nga kryetari Atiq dhe drejtorit të Institutit).

Në vazhden e takimeve, takim me rëndësi ishte edhe takimi me z.Luan Cabra, President në Federatën e Parabocia të Kosovës. z.Luan na njoftoi se kjo Federatë merret me organizimin dhe zhvillimin e aktiviteteve sportive që lidhen me parabocën, një sport popullor në disa rajone të Kosovës. Ajo ka për qëllim promovimin e këtij sporti, organizimin e kampionateve dhe ngjarjeve sportive, si dhe mbështetje për zhvillimin e infrastrukturës dhe rregullave të nevojshme për këtë disiplinë. Ky sport luhet nga personat me aftësi të kufizuara dhe me z.Cabra diskutuam se çfarë mund të bëjmë bashk, ai erdhi me kërkesë për mbështetje dhe do ta shqyrtojmë në vitin 2025.

Po ashtu takim përfaqësues të llojit(dhe kërkesës së njejtë) patëm edhe me z.Avni Kelmendi, kryetar i parafederatës së paraatletikës. z.Avni kërkoi mbështetje për blerjen e disa pasisjeve sportive për këtë sport i cili po ashtu luhet nga persona me aftësi të kufizuara dhe mbështetje për pjesëmarrje në turnire botërore.

Takim i rëndësishëm gjatë këtij viti ishte edhe ai me Ambasadorin e Austrisë z.Georg Schnetzer, ai deshi të informohej me të gjitha sfidat dhe planet që kemi si komunë e që kryetari e njoftoi për gjendjen aktuale, sfidat e të kaluarës dhe planet. Ai u shpreh i gatshëm për të na ofruar mbështetje në vitin 2025 (meqenëse takimi u mbajt pothuajse në fund të vitit).

Në zyret tona, bashk me kryetarin pritëm përfaqësuesit e KFOR-it, ku u diskutua për situatën aktuale dhe sfidat kryesore që po përballemi. Fokusimi i takimit ishte në ruajtjen e sigurisë dhe stabilitetit, si dhe në projektet për zhvillimin e infrastrukturës dhe përmirësimin e kushteve të jetesës për qytetarët tanë.

Pas takimit që kishim me Kompaninë Interex dhe shpalesjes së disa projekteve të punuara nga Drejtoria jonë (për përgjigjen e të cilave jemi akoma në pritje) Interex pasi u njoftua për së afërmi se sa shkolla janë në veri, cilat janë nevojat dhe kërkesat e tyre, ata ndanë një donacion për tre (3) shkollat tona. Donacioni ishte në vlerë prej 336.00 Euro dhe u nda për nder të fillimi të vitit shkollor 2024-2025. Ky donacion përfshiu topa futbollit, basketbollit, volejbollit, pako me ngjyra, lapsa dhe çanta. Bashkë me kolegët kemi bërë shpërndarjen në shkolla.

“Fego” është projekt i Helvetas dhe u dakorduam që së bashku të vizitojmë atelen e z.Ljilina (me të cilën ishim takuar më herët) dhe të diskutojmë se në çfarë forme mund të bashkëpunojmë.

Gjithashtu, si drejtori jemi angazhuar edhe në mbledhjen e donacioneve për rregullimi e sheshit për rastin e fundvitit.

PJESËMARRJE NË TAKIMET (TRYEZA)

Ndër të tjera, organizata më e madhe jo qeveritare “ACTIVE” në veri na ftoi të marrim pjesë në një diskutim të hapur me temë “Lufta kundër korrupsionit dhe transparencë” të udhëhequr nga Yll Buleshkaj- Drejtor i Agjencisë për Parandalimin e Korrupsionit. Aty takuam edhe drejtorë të organizatave tjera, krijuam kontakte të reja dhe u dakorduam për takime të mundshme.

Një tryezë (takim koordinues) të cilën e organizoi CBM, në të cilën ishin të ftuar Drejtoritë Komunale për Kulturë, Rini dhe Sport, përfaqësues të organizatave të shoqërisë civile si dhe qendrave rinore nga rajoni

i Mitrovicës, marrëm pjesë dhe ne si Drejtori për Kulturë, Rini dhe Sport. Gjatë takimi shpalosëm aktivitetet e planifikuara si dhe biseduam për mundësitë e bashkëpunimit. Qëllimi kryesor i takimit ishte ofrimi i alternativave të cilat ndihmojnë në zbutjen e faktorëve që shpien tek radikalizmi.

Së bashku me drejtorët e drejtorive tjera, gjatë këtij viti kemi marrë pjesë në punëtorin e organizuar nga Asociacioni i Komunave të Kosovës. Në këtë punëtori u trajtuan tema për rritjen e partneritetit mes palëve me interes përbrenda qeverisjes lokale, forcimin e komunikimit të brendshëm, obligimet legjislative etj.

OBLIGIMET BRENDA INSTITUCIONIT

Gjatë kësaj kohe na është kërkuar nga Drejtoria e Financave Planifikimi i Projekteve Kapitale dhe Qarkorja e Brendshme Buxhetore e cila u punua dhe u dorëzua brenda periudhës kohore të planifikuar.

Bashkë me stafin e drejtorisë tonë u punua në përmirësimin dhe gjetjen e datave për kalendarin e aktiviteteve për vitin 2025.

Po ashtu brenda kësaj periudhe u punua edhe raporti me rastin e marrjes së donacionit nga kompania Interex dhe Meridian Express.

ARSIM

Kosova Makers League organizon çdo vit gara në fushën e robotikës, drejtoria jonë kontaktoi shkollat, i njoftoi për procesin e aplikimit dhe në baza javore kontaktoi me Kosova Makers dhe shkollat e interesuara për pjesëmarrje në këto gara.

Kemi kontaktuar me drejtorët e shkollave të Komunës Veriore të Mitrovicës dhe kemi marrë të dhënat e fundit të numrit të nxënësve (sipas moshës, gjinisë).

Shkolla Fillore “Nonda Bulka”	Shkolla Fillore “Aziz Sylejmani”
Numri i Nxënësve	Numri i Nxënësve
198 Nxënës	211 Nxënës
85 F	187 F
113 M	102 M

Aziz Sylejmani- Suhodoll	Aziz Sylejmani- Ismail Qemail	Aziz Sylejmani- Kodër
101 Nxënës	93 Nxënës	17 Nxënës
56 F	46 F	7 F
45 M	47 M	10 M

Totali
409 Nxënës

MARRËVESHJET E NËNSHKRUARA NË KUADËR TË DREJTORISË

Marrëveshja me kompaninë Meridian Express
Marrëveshja me ProCredit Bank
Marrëveshja me Kompaninë e Sigurimeve "Eurosig"
Marrëveshja me YSP-Balkan

PLANI I PUNËS PËR VITIN 2025

- Promovimi i aktiviteteve kulturore, mbështetje për artistë lokal, organizim i eventeve
- Mbështetje për organizatat joqeveritare (me fokus rininë)
- Mbështetje për aktivitete sportive (duke përfshirë edhe sportistët me nevoja të veçanta)
- Investime në përmirësimin e fushave sportive (renovim i tyre)
- Bashkëpunim me Ambasada dhe Organizata joqeveritare
- Bashkëpunim me YSP-Balkan për mbajtjen e samitit të të rinjëve në Mitrovicë
- Përkrahje e asociacioneve, klube e shoqatave në aktivitete
- Kërkimi i fondeve shtesë për realizimin e projekteve tona
- Organizimi i trajnimeve dhe ligjëratave të ndryshme
- Shënimi i datave me rëndësi historike

FOTO TË TAKIMEVE, VIZITAVE NË TEREN, DHE EVENTEVE KU KEMI MARRË PJESË



Me rastin e 20 shtatorit, Ditës Botërore të Pastrimit,



Pjesëmarrja në CBM ku u diskutua për aktivitetet e realizuara gjatë vitit 2024 dhe shtatë planet për vitin 2025.



Përrurimi i fushës së basketit i mbështetur nga Kompania "Meridian Express"



Ligjërata në kuadër të fushatës ndërgjegjësuese për parandalimin e trafikimit me njerëz



Nënshkrimi me rastin e marrjes së donacionit nga kompania "Interex"



Shërndarja e donacionit të Kompanisë "Interex" në shkollat e Komunës së Veriut



Pjesëmarrja në një diskutim të hapur me temë “Lufta kundër korrupsionit dhe transparenca” në Organiozatën Joqeveritare “ACTIVE”- Veri



Homazhe tek varri i Astrit Deharit



Takimi me Ambasadorin e Austrisë



Takimi dhe nënshkrimi i marrëveshjes me drejtorin Ekzekutiv të Insitutit për Ke Krimet e Luftës



Takimi me përfaqësuesit e KFOR-it



Takimi dhe nënshkrimi i marrëveshjes së bashkëpunimit me YSP-Balkan



Koncerti dedikuar promovimit të trashëgimisë sonë të pasur kulturore përmes muzikës të bukur shqipe " Kadri Kadriu"



Pjesëmrrje në eventin "Mitrovica Guitar Days"



Nënshkrimi i Marrëveshjes me ProCredit Bank